



SIARAN MEDIA KEMENTERIAN PERTANIAN DAN KETERJAMINAN MAKANAN

KUNJUNGAN HORMAT DARIPADA TYT MANABU NAGAI, *PARLIAMENTARY VICE MINISTER OF LAND, INFRASTRUCTURE, TRANSPORT AND TOURISM OF JAPAN* KE ATAS YB TIMBALAN MENTERI PERTANIAN DAN KETERJAMINAN MAKANAN

PUTRAJAYA, 22 JANUARI 2026 – YB Datuk Chan Foong Hin, Timbalan Menteri Pertanian dan Keterjaminan Makanan telah menerima kunjungan hormat daripada TYT Manabu Nagai, *Parliamentary Vice Minister of Land, Infrastructure, Transport and Tourism* of Japan semalam. Sesi pertemuan ini turut disertai oleh TYT Noriyuki Shikata, Duta Besar Jepun ke Malaysia.

Kunjungan ini mencerminkan hubungan kerjasama yang berterusan serta perkongsian erat antara Malaysia dan Jepun dalam bidang hortikultur, florikultur dan pembangunan pertanian. Hubungan perdagangan pertanian antara Malaysia dan Jepun kekal kukuh, dengan nilai perdagangan direkodkan sebanyak RM10.17 bilion bagi tempoh Januari hingga Oktober 2025, sekali gus mencerminkan peranan Jepun sebagai salah satu rakan strategik penting Malaysia dalam memperkuat rantai bekalan makanan global.

Kunjungan TYT Nagai ke Kementerian Pertanian dan Keterjaminan Makanan (KPKM) bertujuan menyusul jemputan Kerajaan Jepun kepada Malaysia untuk menyertai *International Horticultural Expo 2027* atau GREEN×EXPO 2027 yang akan diadakan di Yokohama, Jepun. Bertemakan “*Scenery of the Future for Happiness*”, ekspo ini bertujuan untuk menampilkan inovasi pertanian yang mempromosikan kelestarian alam sekitar dan pembangunan mampan. Ekspo tersebut terbuka kepada pemain industri dalam sektor hortikultur, buah-buahan dan agroteknologi digital.

YB Timbalan Menteri merakamkan ucapan terima kasih ke atas jemputan tersebut dan turut mengambil peluang merakamkan penghargaan kepada Jepun di atas penglibatan aktif dalam Pameran Pertanian, Hortikultur dan Agro Pelancongan Malaysia (MAHA) yang lalu. Beliau turut menyampaikan jemputan kepada Jepun untuk menyertai MAHA 2026 yang akan berlangsung dari 28 Ogos hingga 6

September 2026 dengan tema “Penciptaan Nilai Demi Keterjaminan Makanan” di MAEPS Serdang.

Hadir sama dalam sesi ini ialah YBhg. Dato’ Sri Norazman Ayob, Timbalan Ketua Setiausaha (Dasar) KPKM serta pegawai-pegawai kanan KPKM.

Dikeluarkan oleh:

KEMENTERIAN PERTANIAN DAN KETERJAMINAN MAKANAN

